

Gou Caeuq Nijvah Gvaq Ngoenz Ndeu

我和女娲的一天

Gveigangj Si Cinzdangz Gih Mungzgungh Cin Gujsanh Siujyoz seiq (1) ban Veiz Couhyaj

贵港市覃塘区蒙公镇古山小学四(1)班 韦周雅



Singhgiz roek, gou okdou seiz bungz daengz Nijvah.

Nijvah daiq gou bae giz dei-fueng ndeu, gizde dauqcawq guh-angq riu, gyoengq vunz de gvaq gij saedcej vuenyungz angqyangz. Hoeng sawqmwh mbwn byoengq congh hung ndeu, gwnz namh hix dek ok diuz mieng laeg ndaemndat ndeu, raemx-rongz nyoengx okdaeuj, doenghgi nyuen hix okdaeuj foedfoed. Gyoengqvunz sim vueng fwngz luenh, lau dwk dauqcawq deuz. Nijvah raen yienghneix, gig nanzgvaq. Yiengh-neix, de couh gietdingh fong mbwn. Gou doiq Nijvah naeuz: “Cej Nijvah, gou caeuq mwngz itheij fong mbwn ba.” Nijvah ngaekngaek gyaeuj naeuz: “Ndei.”

Hoeng neix mbouj dwg hangh hong yungzheih guh ndeu. Sien au dai gak dieg ra rin daeuj lienh baenz

aeuj, heu, henj, hau, ndaem haj cungj saek neix. Gou caeuq cej Nijvah couh lw ndaek rin saek hau ndeu mbouj ra ndaej lo. Gvaq yaep ndeu, gou hemq naeuz: “Gou ra ndaej ngauq rin hau lo.” Nijvah gipgip muengzmuengz byaij gvaqdaeuj, naeuz: “Ndei lai lo, baezneix lienh gij rin neix couh ndei lo.” Yienghneix dou gipmuengz dawz bae lienh. Feiz cugciemh ndaep le, haj cungj saek rin lienh baenz gienghrin lo. Nijvah au gienghrin le, mbin hwnj mbwn bae dienzbouj congh roh gwnz mbwn. Daj neix gwnz mbwn couh miz fwj haj saek. Nijvah naeuz lau mbwn rox caiq lak roengzdaeuj, yienghneix, gou bangcoengh Nijvah ra au seiq diuz faex hung, hawj seiq diuz gvi hung dingcengi de, daengi youq seiq gak gwnz dieg, daemxcengi aenmbwn. Yienghneix mbwn couh mbouj caiq lak roengzdaeuj lo.

Hoeng neix dan guhbaenz hangh yinvu ndeu, gyoengq nyaen lij youh hangz vunz.

Gou caeuq Nijvah yaek haep deuz doengh duznyaen. Nijvah naeuz: “Gou bae gaj duz lungzndaem haenx gonq, yienghneix duznyaen wnq couh deng hwk gag buet dauq ndaw ndoeng lo.” Nijvah gwih max hwnjdin bae gaj duz lungzndaem haenx, duznyaen wnq raen le couh yiep dwk buet dauq ndaw ndoeng lo.

Doeklaeng dou dawz go’ ngx coemh baenz daeuh, dwk roengz ndaw raemx, yienghneix dou couh fong mbwn ndei caez.

Bang Nijvah fong mbwn, caen dwg hawj gou sim’ angq lai lo! Doeklaeng gou caeuq Nijvah doek-naiq lemlem doxbiek lo.

(lauxsae sonyinx: Liengz Haij-yangz/指导老师:梁海洋)

Ndwenggoenz Miz Van

生活中的甜

Ndwenggoenz couh lumj aen bingz cang haj cungj feihdauh ndeu, soemj, van, haemz, manh, hamz, yienghyiengh cungj miz. Raeuz cimz le gij haemz ndaw ndwenggoenz, engq au ciengzseiz nyaij gij van ndaw ndwenggoenz.

Guhsaeh ndaejbaenz hawj gou sim-angq simvan. Daj siujyoz it nienzgaep hwnj, gou couh hainduj hag danz guj-cwngh lo. Ndaeigeiq dangz goq daih’ it, gou hag le dangz goq baenzlawz naengh, fajfwngz baenzlawz cuengq caeuq lwg-fwngz baenzlawz danz. “Baihlaeng au ietsoh, gaej gungj. Fajfwngz au venj hoengq, gaej dap youq gwnz yienzgmiz.” Lauxsae yiemzhaenq dwk naeuz. Dangz goq he roengzdaeuj, gou naiq dwk hwet in ndang naet, gen cungj daiz mbouj hwnj lo. Hoeng gou seizseiz cungj geiqmaenh “guh sug cij baenz sae” coenz vah neix, hag le yiengh bae coh yiengh, gou hag rox baenzlawz yungh lwgfwngz danz ok doenghgi singdaenh, singrodhwnj. Aenvih lauxsae gig saenq gou yawjnaek gou, ndigah gou engqgya gaenxmaenx. Mwh gyajseizhwnq bi’ gvaq, gou caepcawq gauj cib gaep. Mwh gaujsi gaxgonq, gou engqgya roengzrengz lienh, gingciengz baez lienh couhdwg lienzdaemh lienh song aen lai cung, fwngz gyaengi lo, baihlaeng hix ndaek lo, hoeng gou youq ndawsim naeuz hawj lajndang: Mbouj ndaej cuengqsoeng, vihliux aeundaej cingzcik ndei, itdingh au gaenxmaenx. Ngoenz gaujsi de, gou sim’ onj cwgcwg byaij haeuj ndaw gaujcanz, gou danz ok diuz go ndei dingq raixcaix he, lajndang gou cungj simmaez lo. Mbouj nanz, gou aeundaej le mbawcingq cib gaep, ndawsim diemz-subsub.

Vah haenh daxmeh hawj gou simvan. Baezgonq singhgiz ngeih, gou camgya le ranzhag yenjyangj doxdax. Gou gangj mbouj rox liux, lij louzsim yungh lwgda caeuq bouxyawj doxdoengh, baijok gij yienghcej ciq ndei bonjfaenh. Lumj gaenq liuh daengz nei, gou aeundaej itdaengjciengj. Ma ranz le, gou miznaj dwk daj ndaw daehsaw dawz mbaw cwngsuh okdaeuj, hawj daxmeh yawj. Daxmeh sim-angq lumh gyaeuj gou, haenh naeuz: “Mwngz ak dahraix! Mwngz caen hawj gou roxnyninh najrongh ha.” Gou dingq le, ndawsim lij van gvaq gwn dangz.

Bang vunz ndaw ranz guh hongranz hawj gou simvan. Bang daxmeh baetbaet ranz, bang daxboh swiqswiq duix…… Yawj gij najriu gyoengqde, ndaw sim gou vandiemz liux lo.

Youq ndaw ndwenggoenz miz gak cungj feihdauh, hoeng feih van ciq lai. Cijaeu raeuz yunghsim bae cimz, itdingh ndaej cimz daengz!

(Yangz Gyahyungz/raiz Lij Lungzfangh/hoiz)



Uet daiz seuq-saksak, caen ak!



Go’ndoek 竹子

Go’ndoek sangfwd soh-swd, seiq geiq heusausau, dwg cungj doenghgo dingj ndaej nit ndeu.

Go’ndoek dwg caegcaeg majhung, raeuz mbouj roxnyninh de maj gvaq. Gou ngoenzngoenz yawj doengh go’ndoek ndaw hongh ranz gou, cungj mbouj raen gyoengqde miz maz bienqvaq, caen sawj vunz simgip ha!

Seizhah doek raq fwnsaeq ndeu le, gou dauqdaeuj yawj-raen goek go’ndoek iet aen gyaeuj soemsetset ndeu ok-daeuj. Daxmeh gangj, neix couhdwg “gorangz”. Gwnz gorangz lij maj miz geij mbaw “byoem”, yaek sijsaeq yawj, cij rox haenx dwg mbawndoek iqsaq, yienghneix gou cix soeng gaemz heiq ndeu. Ca mbouj lai gvaq aen singhgiz ndeu, gorangz couh baenz hoh baenz hoh maj baenz faexndoek saeqset raezrangh, gwnz faex-ndoek maj rim mbawndoek saekheu, lumj baenz faj baenz faj “fwngziq” nei.

Rumzcou hwnj, geij go faexndoek ndaem youq hongh-ranz gou haenx gaenq maj baenz fajciengz faexndoek mbaw nge mwncup ndeu lo. Gou caeuq gyoengqde beij sang, miz go faexndoek ndeu maj sang daengz mbaq gou! Hoeng cij aen singhgiz ndeu, go faexndoek haenx couh gaenq mauh gvaq dinggyaeuj gou lo. Aenvih gienh saeh neix gou doeksaet yatyat, go’ndoek maj ndaej caen vaiq ha!

Seizdoeng daeuj lo, gij va nywj wnq gyanghongh cungj loenq ndoq liux lo, cijmiz go’ndoek ciuqgaeuj maj dwk. Gyanghongh diegdeih cungj gyaengi liux, gyoengq faex-ndoek cix gyaengq dwk dingj rumzdoeng bi rieng diuq foux.

Vunz ciuhgeq aenvih go-ndoek miz ciqheiq cix au daeuj beijguh ginhswj. Suh Si gangj gvaq: “Gwn ningznyienh ndwi noh, youq mbouj ndaej ndwi ndoek.” Canghsei au fwensei danqhaenh go’ndoek cix siengj hawj vunz baenzneix guh vunz — giengiengz, cingqcig, miz goetheiq.

Gijneix hix cingqdwg gij raeuz au hagsib go’ndoek haenx.

(Maj Yezvwnz/raiz Nungz Cinfung/hoiz)